

muboshebua ku kapia udi utuambila bualu bua makenga a Mukelenge Yesu. Yeye wakakenga mene mene ku bianza bia bantu babi ne muinshi mua kulumbulula kua Nzambi bualu bua bubi – bua bubi buetu !

Mampa adi kaayi ne luevene

Bena Isalele bakadia mampa adi kayi ne luevene. Luevene ludi lutuambila bua malu mabi mu Mukanda wa Nzambi (1 Kolinto 5:8). Tudi ne bua kuenda mu njila udi usankisha Nzambi. “Nunku nuidikishe kuenza mudi Nzambi wenza, bu bana bandi bananga. Nuende bienu mu luse bu muakanusua Kilisto. Waka-difila bua bualu buetu bu mulambu ne tshintu tshishipa bua kuikaleye mupuya wa dipembu dimpe kudi Nzambi.” (Efeso 5:1,2)

Tshibangidilu tshipia-tshipia

Nzambi wakambila Mose ne Alona ne, “Ngondo ewu neikale tshibangidilu tshia ngondo kunudi, neikale ngondo wa kumudilu kua tshikondo kunudi” (Ekesode 12:2). Pakitabuja muntu Mukelenge Yesu yeye udi ne muoyo mupia-mupia, udi muntu mupia-mupia. “Nunku bikala muntu mu Kilisto, yeye udi mufukibue mupia-mupia; malu makulukulu akaya, monayi, akalua mapia-mapia” (2 Kolinto 5:17). Bena kuitabuja, bu Bena Isalele, badi bena luendu. “Nzambi kena ufua bundu bua bualu buabo bua kumubikilabo Nzambi wabo, bualu bua waka-balongoluela musoko” (Ebelu 11:16). Badi mua kuamba ne mukelenge Davidi ne, “Bulelela, buimpe ne luse nebindonde matuku onso a muoyo wanyi; nengikale mu nzubu wa Yehowa tshiendelele.” (Musambu 23:6)

Kupita kua Yehowa



Kupita kua Yehowa

Nzambi udi unvua muadi wa bantu bandi mu Ejipitu

Nzambi wakambila Mose ne, “Nakutangila dikenga dia bantu banyi badi mu Ejipitu bulelela, nakunvua muadi wabo bualu bua tupita tuabo; bualu bua ndi mumanye kanyinganyinga kabo. Nakulua panshi bua kubasungila mu bianza bia Bena Ejipitu, ne bua kubalupula mu buloba abu, ne bua kulua nabo mu buloba buimpe ne bunene mu buloba ne mabele ne buitshi bia bungi.”

(Ekesode 3:7,8)

Nzambi udi usungila bantu bandi mu bianza bia Palo

“Yehowa wakambila Mose ne Alona mu buloba bua Ejipitu ne, Ngondo ewu neikale tshibangidilu tshia ngondo kunudi; neikale ngondo wa kumudilu kua tshidimu kunudi. Nuambile bantu bonso ba mu Isalele ne, Mu dituku dia dikumi dia ngondo ewu muntu ne muntu asungule muana wa mukoko ku nzubu ya batatuabo, muana wa mukoko ku nzubu muana wa mukoko ku nzubu ... muana mulume wenu wa mukoko neikale muakane ne wa tshidimu tshimue: nebamuangate munkatshi mua mikoko anyi mua mbuji. Nenumulame too ne ku dituku dia dikumi ne anayi dia ngondo ewu; bantu bonso ba mu Isalele nebamushipe dilolo. Bobo nebangate mashi, nebaamiamine ku mutshi wa pa mutu pa mushiku wa mbelu ne ku biluwa bibidi bia mushiku wa mbelu wa nzubu mudibo bamudila ... bualu bua meme nempite buloba bua Ejipitu butuku abu, nenshipe banabute bonso ba mu buloba bua Ejipitu ne ba bantu ne ba nyama; nendumbuluishe nzambi yonso ya Ejipitu; meme ndi Yehowa. Mashi neikale bu tshimanyinu tshia mu nzubu munudi; ne panamona mashi, nempite pamutu penu, ne mulawu kawena unukuata panashipa bantu ba mu buloba bua Ejipitu.”

(Ekesode 12:1-13)

Bu bantu bonso, Bena Isalele ne Bena Ejipitu bakadi ne Musungidi bualu. Bantu bakitabuja diyi dia Nzambi bakadi basungidibua pakashipeye bena bupidia ba mu buloba bua

Ejipitu. Nzambi, pakamoneye mashi a muana wa mukoko pamutu pa nzubu ya bantu, wakupita pamutu pa nzubu yabo yonso. Bonso bakenza bu mu diyi diandi bakadi bashikama mu nzubu yabo mu ditalala.

“Mulambu wetu wa Kupita kua Yehowa wakashipibua, Kilisto mene.” (1 Kolinto 5:7)

Mukelenge Yesu wakavuisha “ditalala ku mashi a ku mutshi wandi mutshiamakane” (Colossiens 1:20). Bena kuitabuja badi mua kuamba ne, “Nunku bualu bua tuakabingishibua ku ditabuja tuikale ne ditalala ne Nzambi bua Mukelenge wetu Yesu Kilisto” (Lomo 5:1). Bena kuitabuja badi bapikudibua “ku mashi a mushinga mukole, bu a muana wa mukoko kayi ne tshilema ne kayi ne ditoba, ku mashi a Kilisto mene.”

(1 Petelo 1:19)

Mupostolo Yone wakadi mumonyi wa malu akapita ku mutshiamakane wa Mukelenge Yesu Kilisto, wakafunda ne, “Dinga disalayi diakamutua difuma mu lubadi, mashi ne mayi biakapatuka. Wakatangila bualu abu nguakabuamba, diyi diandi didi dilelela; udi mumanye biandi ne, Diyi diandi didi ndilelela, bua nuenu kabidi nuitabuje.”

(Yone 19:34,35)

Mukenji wa Lumu Luimpe

“Nzambi wakatamba kusua ba pa buloba, yeye wakabapa Muanandi umuepele mulela bua muntu yonso wamuitabuja kafu biandi, kadi ikale ne muoyo wa tshiendelele” (Yone 3:16). “Luayi bienu ... nansha bikala mibi yenu mikunze-kunzuu, neyikale ne butoke bua neige; anyi bikalayi mikunze bu mashi, neyikale mitoke bu miosa ya mikoko.”

(Yeshaya 1:18)

Badi bosha muana wa mukoko ku kapia

Nzambi wakambila Mose ne Alona ne, “Neboshe munyinyi ku kapia butuku abu, nebaudie ne mampa adi kaayi ne luevene; nebaudie ne matamba adi ne bululu” (Ekesode 12:8). Munyinyi